

Universitätsbibliothek Paderborn

Vita Patris Gonzali Sylveriae, Societatis Iesv Sacerdotis

Godinho, Nicolao

Coloniae Agrippinae, 1616

Tongis Rege sacra vnda expiato, aliquot post dies relictis socijs in
Mozombicum Gonzalus reuertit. Cap. VI.

urn:nbn:de:hbz:466:1-44032

Tongis Rege sacra vnde expiato, aliquot post dies
relictis socijs in Mozombicum Gon-
zalus reuertit.

C A P. VI.

TONGENSIVM Rex Christi militiae feliciter adscriptus, illud in primis sedulò curauit, vt per literas Baptismi beneficium Proregi Constantino, secundum Deum, referret acceptum. In Conimbricensis Collegij Societatis Iesu architio literarum exemplar repertum est, Lusitana lingua scriptum, quod in Latinam bona fide conuersum hoc loco ponam. Excellentissime Domine, nolim ad litteras tuas responsum à me expectes aliud, quam quod ab eo dari potest, qui à veri Dei cognitione, atque ab amore Christi Iesu libertatis humanæ assertoris tot annos alienissimus fuit. O quantū toto anteactae vitæ tempore à recto veritatis tramite aberrabam, dum omni ope & operâ conabar populos mihi subditos in officio continere, nec curabam interim, vt æterno Principi ac Regi regū Deo debitā præstaremus obedientiā. Non possum equidē tuam in me benevolentiam, & caritatem non sum moperè mirari. Fame consumptus miserè peribam, sed tu, Inclyte Constantine, actius in primis Rex, firmissimum religionis columen, meum mihi porrexisti panem, ad Christi, inquā, fidem, ad coeleste lauacrum, ad diuinas Christianorum epulas nihil talle merentē, nihil tale cogitantem per ministros vestros me in uitatis & perdixisti. Laudetur infinitè Deus, qui lucis suæ radijs mentem meam illustrat, ut aperte videam, quam sublimis hæc sit, quam media Chri-

dia Christi fide inter nos cōtrahimus, cognatio; quā
tumq; mea intersit, cū potentissimo & maximo Lu-
sicaniæ Rege, atq; etiam tecū, qui pro illo rem Indicā
administras, Societatis iure esse ligatū. Qui enim e-
narrare valeam, quæ & quantæ ex hoc religionis
& amicitiæ vinculo mihi & regno meo proueniant
vtilitates, siue temporalia bona spectentur, quæ fi-
nem habent, siue æterna, quæ sunt perpetuò duratu-
ra? Talibus enim socijs honor nobis tantus est, vt es-
se maior non possit; redditus, & vectigaliz summo-
perè augmentur; stabilitur regnum, eiusque securi-
tas; & quod est longè optimum; magistros accipi-
mus, à quibus docemur, & quonam modo rectè nūc
viuere, & æternam postea consequi possumus fe-
licitatem. Quare, inuictissime Prorex, tibi ac Re-
gi tuo me regnumque meum libentissimè offero.
Quām verò ex animo hæc faciam, testis ipsa sic, cui
me sacramento obligaui, Christi religio. Illud te
multis ac supplicibus verbis oro atque obtestor, vt
qui nobis per tuos salutis monstrasti viam, per eos-
dem, duce in primis Deo, quantum erit in te, iuues,
ne ab ea vllis viræ incommodis retardati, vel mini-
mū deflectamus. Vale. Gonzalus etsi diebus singulis
multos Tongenses per Baptismū Christo iungebat,
nec putabat difficile fore, vt si in eo regno diutiū
persisteret, humani generis hostis ab eo fauente nu-
mine, penitus depelleretur; quia tamen maximi illi-
lius Monomotapæ Imperatoris ad fidem conuersio
tamdiu expedita, cuius potissimum de causa illud iter
erat suscepit, vehemēter ipsum vrgebat, repriūs
cum Deo communicata, statuit tandem relictis in
Tongensi regno sociis, qui tam feliciter inchoatam
ibi religionis opus prosequerentur, in Monomota-
pam proficiisci. Regem igitur Constantinū adit, quid

SE VITAE GONZALI SYLVERIAE
consilij coeperit exponit; relictos socios, & nouum
Christi gregem eius curæ ac fidei obnixè commen-
dat, deum bona cum venia Inhambanem repetit.
Multos in via Christianis præceptis priùs informa-
tos, quatenus temporis ratio patiebatur, salutari
aqua abluit; inter quos nonnulli Xequij, Betanga-
rum reguli, fuere. Ad regna quoq; vicina ex itine-
re diuertit, ijsque Euangelij lucem intulit. Cum ijs
verò quos Christo lucratus est, Regis alterius, Ton-
gensis potentioris, filius fuit, quem Mozambicum
secum duxit, ut solēni ibi pompa, & apparatu ma-
gnifico Christianis sacris iniciaret. Rex autem ipse
non solum passus est ab se filium abduci, verum etiā
Gonzali prædicatione in rem Christianam egregiè
affectus, & se fidelium numero aggregari, & fidei
nostrę leges suo in regno ab Euangelicis præconibus
diulgari percupiebat. Sed res in tempus aliud op-
portunè dilata. Ad Inhambanis igitur portum per-
uenit Gonzalus; inde Mozambicum contendit, ut
nauigium & reliqua ad Moaomotapicam profe-
ctionem necessaria compararet.

*Gonzali socij post maximos labores apud Ton-
genses exantatos Monzambicum atq;
Indiam repetunt.*

C A P. VII.

FERNANDIVS & Costa Gonzali socij, cùm
ob alias causas, tum ab eam maximè patris dis-
iunctionem ægerrimè tulere quod eius carere co-
geretur cōspectu, quo adiutore ac socio nullas dif-
ficultates, quæ in hoc promulgandæ fidei mini-
sterio solent esse plurimæ, & grauissimæ, nul-
la etiam incommoda pertimescerent. Sed illud
inpri-